

# **Ukiup affakkaartumik akiliutaasartussat naatsorsorneqartarnerilu pillugit Namminersornerullutik Oqartussat nalunaarutaat**

Inissialiornermut tapersiissuteqartarneq pillugu Inatsisartut peqqussutaani nr. 1-imi 9. april 1992-imeersumi § 12, imm. 5, § 29, imm. 2, amma § 32, imm. 3, naapertorlugit aalajangersarneqarpoq.

**§ 1.** Inissialiornermut tapersiissuteqartarneq pillugu Inatsisartut peqqussutaani kapitalit 4, 6 imaluunniit 7 malillugit taarsigassarsiaritinneqarsimasut ukiup affakkaarlugit taarsorsorneqassapput akiligassanngortassallutillu 1. maj aamma 1. november.

*Imm. 2.* Illup inaerneqarneraniit imaluunniit inerneqanngikkaluartorluunniit iserterfigineqarneraniit akilersuinissaq aallartinneqartassaaq. Illup sananeqarluni inerneraniit imaluunniit iserternermiit akiliiffisanngortussap siulliup tungaanut taamaallaat erniat akilerneqartassapput.

*Imm. 3.* Sanaartukkanut naatsorsuutit naammassineqarnissaasa tungaanut taarsersuutissat naatsorsorneqartassapput taarsigassarsiassatut neriorsuutit tunngavigalugit.

**§ 2.** Illup kommuunimiiffigisaani akiliutissaq nassiunnera akeqanngitsumik kommuunimut akilerneqartassaaq, imaluunniit akiliutissaq akilerneqartassalluni taarsigassarsisitsisup akiliisarfissatut toqqarsimasaanut.

*Imm. 2.* Akiliinerit tamarmik piffissamik equilluni akiliinerussapput kingusinnerpaamik akiliiffisanngortussap ullua qaammammik ataatsimik kingoqqullugu akilerneqarunik.

Akiliiffisanngortussaq imaluunniit piffissaq eqqorlugu akiliiffissaq nalliuttuuppat arfinningornerulluniluunniit akiliinissaq ulluinnarmut tulliuttumut kinguartinneqartassaaq.

**§ 3.** Piffissaq eqqorlugu akiliisoqanngippat akiliinissaq piserlugu ukiup affaanut akiliutissaq 2,5%-imik pillaatitut ernialerneqartassaaq taarsigassarsisup akiligassaanik.

**§ 4.** Nalunaarut atulissaq ulloq 1. april 1994.

Namminersornerullutik Oqartussat, ulloq 22. marts 1994.

Emil Abelsen

/

Peter Beck

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut